

("Službene novine Kantona Sarajevo", broj 23/04), te člana 47. Poslovnika Općinskog vijeća Centar Sarajevo-Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Dvadeset drugoj redovnoj sjednici održanoj 27. decembra 2006. godine, donijelo

ODLUKU

O IMENOVANJU ČLANA I PREDSEDNIKA KOMISIJE ZA PITANJA MLADIH

Član 1.

Imenuje se član i predsjednik Komisije za pitanja mladih JASMINA ČENGIĆ.

Član 2.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-2836/06
27. decembra 2006. godine
Sarajevo

Predsjedavajući
Općinskog vijeća
Muhamed Alaim, s. r.

Ova Odluka je objavljena na oglasnoj ploči Općine Centar Sarajevo 5. januara 2007. godine.

Na osnovu člana 10. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), te člana 38. Poslovnika Općinskog vijeća Centar Sarajevo-Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Dvadeset drugoj redovnoj sjednici održanoj 27. decembra 2006. godine, donijelo

ODLUKU

O RAZRJEŠENJU ČLANA SAVJETA ZA UNAPREĐENJE KVALITETA ZDRAVSTVENE ZAŠTITE I PORODIČNE MEDICINE NA PODRUČJU OPĆINE CENTAR SARAJEVO

Član 1.

Na lični zahtjev, razrješava se dužnosti člana Savjeta za unapređenje kvaliteta zdravstvene zaštite i porodične medicine na području općine Centar Sarajevo u ime Mjesne zajednice "Marijin Dvor - Crni vrh", REMZIJA BEZDROB.

Član 2.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-2838/06
27. decembra 2006. godine
Sarajevo

Predsjedavajući
Općinskog vijeća
Muhamed Alaim, s. r.

Ova Odluka je objavljena na oglasnoj ploči Općine Centar Sarajevo 5. januara 2007. godine.

Na osnovu čl. 40. i 47. Zakona o prostornom uređenju ("Službene novine Kantona Sarajevo", broj 7/05) i člana 10. Statuta Općine Centar Sarajevo-Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Dvadeset drugoj redovnoj sjednici održanoj 27. decembra 2006. godine, donijelo

ODLUKU

O PRISTUPANJU IZRADI URBANISTIČKOG PROJEKTA "ŠENOINA"

Vrsta plana

Član 1.

Pristupa se izradi Urbanističkog projekta "ŠENOINA" (u daljnjem tekstu: Plana)

Granice područja za koje se Plan radi

Član 2.

Granica Urbanističkog projekta polazi od tačke br. 1 sa koordinatama $y=6534123.23$, $x=4857136.91$, a koja se nalazi na tromedi parcela k.č. 1809, 1810 i 2120 (ulica Zelenih beretki), zatim nastavlja na zapad te sjever idući međama parcela k.č. 1809, 1808, 1807, 1804 (obuhvata ih) i dolazi do tačke broj 2 koja se nalazi na tromedi parcela k.č. 1803, 1804 i 2119/1 (ulica Maršala Tita), a ima koordinate $y=6534106.47$ i $x=4857234.16$. Granica obuhvata produžava na istok idući putem (ulica Maršala Tita) k.č. 2119/1 (neobuhvata ga) i dolazi u tromedu parcela k.č. 1813, 1812 i 2119/1 (ulica Maršala Tita) nastavlja u pravcu juga idući međama parcela k.č. 1813, 1805, 1806, 1808 i 1809 (obuhvata ih) i dolazi u tačku broj 1, odnosno do mjesta odakle je opis granice obuhvata počeo.

Sve gore navedene parcele se nalaze u K.O. Sarajevo IV, Općina Centar. Površina obuhvata iznosi $P=0,3$ ha.

Vremenski period za koji se Plan donosi

Član 3.

Plan se donosi za period od 10 godina (2007. - 2017. godine).

Smjernice za izradu Plana

Član 4.

- Osnovno usmjerenje kod izrade ovog Plana je da se u mogućoj mjeri provedu opredjeljenja Projektnog programa Centralnog gradskog jezgra za izradu urbanističkih projekata a koja za zadani kvadrant glase:

"Unapređenje postojećih fizičkih struktura i funkcija u prostoru uređenjem i javnim korištenjem unutrašnjih dvorišta bez povećanja postojeće pokrivenosti zemljišta, uz promjenu namjena i bolje iskorištenje partera, suterena, mezanina, potkrovlja u korist poslovnih profitabilnih sadržaja tipa usluge, ugostiteljstvo, trgovina."

U tom smislu potrebno je da se riješi stanje unutrašnjeg dvorišta Šenoine ulice u granicama datim ovom Odlukom, a u funkciji postojećeg stanovanja, ne narušavajući prethodno navedena i data opredjeljenja Projektnog programa Centralnog gradskog jezgra za izradu urbanističkih projekata. Na taj način se zaokružuju intervencije unutar ovog kvadranta prihvatajući ranije koje su urađene na parcelama drugih korisnika (hotel Bosnia, Feroelektro, UniCredit-Zagrebačka banka). Kroz izradu Plana posebno tretirati intervencije na postojećem objektu iza prodavnice "Šik", čiji je investitor i pokrenuo inicijativu za izradu Plana, kao njegovo uklopanje u prostornu koncepciju Plana.

Novi objekat uskladiti sa objektima u kontaktu i neposrednom okruženju u pogledu: horizontalnog i vertikalnog gabarita, distancama i otvorima na fasadi, krovnim ploham a i arhitektonsko-oblikovnim elementima fasade, izborom materijala, obradom i bojom te ukupnom funkcijom, stalnim i povremenim održavanjem.

Poštovati uvjete zaštite graditeljskog naslijeđa u skladu sa uvjetima Kantonalnog zavoda za zaštitu kulturno-historijskog i prirodnog naslijeđa.

U svrhu izrade Plana potrebno je snimiti geodetsku podlogu u razmjeri 1:200 u vektorskom obliku, na digitalnim fotografijama

dati odnose po vertikali, napraviti sinteznu podlogu vektorskog stanja i rastera područja, obezbijediti katastar podzemnih instalacija za širi obuhvat, a sve prema uputama Zavoda za planiranje razvoja Kantona Sarajevo.

Obezbiđediti elaborat o inžinjerško-geološkim osobinama terena uključujući potreban broj istražnih bušotina za nivo idejnih projekata objekata.

U skladu sa konceptom prostorno-funkcionalne organizacije predmetnog lokaliteta utvrditi potrebe za stacionarnim saobraćajem i komunikacijskom vezom okruženja te po mogućnosti zadovoljiti te potrebe.

Unijeti elemente biološke komponente u skladu sa prostornim mogućnostima.

Planirati opremanje predmetnog obuhvata komunalnom infrastrukturom, sagledavajući postojeće stanje na bazi katastra podzemnih instalacija.

Rokovi za izradu Plana

Član 5.

- za obezbjeđenje podloga i elaborata potrebnih za izradu Plana rok je 30 dana od donošenja ove Odluke,
- za Koncept Plana 20 dana od obezbijedenih podloga,
- za Prednacrt Plana je 30 dana po verifikaciji koncepta Plana,
- za Nacrt Plana je 30 dana po isporuci Prednacrt Plana,
- za javni uvid i javnu raspravu o Planu 20 dana po utvrđivanju Nacrta Plana,
- za sumiranje rezultata javne rasprave, narednih 15 dana,
- za prijedlog Plana je 30 dana po obavljenoj javnoj raspravi i dobijenom zapisniku od strane nosioca pripreme Plana.

Način osiguranja sredstava za izradu Plana

Član 6.

Sredstva za pripremu i izradu Plana u iznosu od 11.000 KM obezbijedit će Općina Centar Sarajevo putem krajnjeg investitora, u 2007 godini. Krajnji investitor je saglasan da finansira izradu Plana.

Nosilac pripreme Plana i nosilac izrade Plana

Član 7.

Nosilac pripreme za izradu Plana je načelnik Općine Centar Sarajevo. Nosilac izrade Plana je Zavod za planiranje razvoja Kantona Sarajevo.

Javna rasprava i donošenje Plana

Član 8.

Nosilac izrade Plana će izraditi Prednacrt Plana i dostaviti ga nosiocu pripreme za izradu Plana radi utvrđivanja Nacrta Plana.

Nosilac pripreme za izradu Plana će utvrditi Nacrt plana i podnijeti ga Općinskom vijeću na razmatranje i stavljanje na javni uvid i raspravu u trajanju od 20 dana.

Član 9.

Na osnovu rezultata javne rasprave i stava o Nacrtu Plana, nosilac pripreme za izradu Plana utvrdit će Prijedlog Plana i podnijeti ga Općinskom vijeću Općine Centar Sarajevo na donošenje.

Ostale odredbe

Član 10.

Subjekti planiranja su: Kanton Sarajevo, Grad Sarajevo, Općina Centar Sarajevo, Zavod za izgradnju Kantona Sarajevo, Kantonalni zavod za zaštitu kulturno-historijskog i prirodnog naslijeđa, javna komunalna preduzeća, vlasnici i korisnici zemljišta i susjednih objekata i druga fizička i pravna lica koja iskazuju svoj interes.

Član 11.

Utvrđuje se režim zabrane građenja do donošenja Plana.

Član 12.

Sastavni dio ove Odluke je grafički prilog sa granicom obuhvata.

Član 13.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-23-10662/06
27. decembra 2006. godine
Sarajevo

Predsjedavajući
Općinskog vijeća
Muhamed Alaim, s. r.

Ova Odluka je objavljena na oglasnoj ploči Općine Centar Sarajevo 5. januara 2007. godine.